



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 9. Pax admirabilis eorum qui fidunt Dèo fundata in præsentia Dei.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

nifestum est ignorare huiusmodi mortalia
quid sit pax animi; gerunt enim in sinu
ignem qui quiescere illos non sinit; perpetua
tua aguntur intemperie, præ qua non sunt
pud se. Quid mirum? *Non est pax impiis dicit*
Dominus per Prophetam Ezech 2. Et quia
Deus Dominus scientiarum locutus est, sicut
lingua nostra.

§. IX.

*Pax admirabilis eorum, qui confidunt in Deo
fundata in præsentia Dei.*

AT verò illi qui confidunt in Deo & in
rebus omnibus divinæ providentiæ ag-
noscunt impressa vestigia, *Sedenti in abun-*
dantia pacis & requie opulenta perfruentur
quam nulla cæli terræve possit interturbare
tempestas. Quia hæc dicit Dominus: *Eccce ego*
descendabo super eos quasi fluvium pacis & quasi
torrentem inundantem. Isai. 66. Et repleta
huiusmodi altam obtinent pacem foris &
intus, quocumque se conferant, pacem habent
viæ comitem; nec ullum est genus pacis
quod non possideant: pacem habent cum Deo
pacem cum hominibus: pacem secum ipsos
pacem retinent tam in adversis, quam in
prosperis: in damnis & lucris, in honore &
ignominia: pacem habent in agro, pacem do-

mi suae; pacem in corpore, in anima, in ipsis ossibus medullis, adeo ut si velut in torculari premerentur, inquit S. Catharina Genuensis, nihil nisi pacem profunderent: in pace vigilant: in pace dormiunt: patiuntur in pace, loquuntur & agunt, seminant & metunt: cōsurgunt lecto & decumbunt in pace. Nunquam facies eorum vel levissimā tristitiæ aut perturbationis nubeculā obducitur, quia nihil est, unde illa possit oriri. Proinde quilibet eorum cum liquidissimo voluptatis internæ sensu audet cum vate regio dicere: *In pace in idipsum dormiam & requiescam, quoniam tu Domine singulariter in spe, constituisti me* ps. 4. Item illud: *Si ambula vero in medio umbrae mortis* (id est, verser in summo vitæ periculo) *non timebo mala, quoniam tu mecum es* psal. 22, Hebraica versio, loco umbræ mortis, habet vocem significantem loca plena horroris tenebrarum, ferarum ac præcipitiorum, veræ imaginis barathri infernalis: immò addit S. Bernardus; ipsius inferni. In his tamen malis omnibus qui confidunt in Deo, mali nihil inveniunt, quod formidandum existiment; habent enim secum bonorum omnium autorem, & pace perfruuntur quam perdere nequeant nisi & Deum perdant; huic autem sic adherent penitus uniti, ut nullis rerum creaturarum

tarum conatibus, nullis artibus ab eo separari se patiantur. Minimè equidem existimandum est, inquit S. Augustinus loquens de personis Deo intimè conjunctis; permoveri posse hujusmodi vel conminatione mortis, quam aliam nullam timent præter sui separationem à Deo: vel promissione vitæ, quam norunt à solo Deo dari posse, imò sicut anima carnis, sic Deus vita est animæ ipsorum. Quare & pacem & vitam animæ suæ in Deo habent stabilitam; nec hanc, nec illam possunt amittere nisi amisso Deo. Huc facit quod videtur quidam sanctus interrogatus à quodam Doctore, qua ratione consecutus esset animæ pacem, præclare respondit his verbis. In nulla re quæ Deo minor fuerit, quiescere potui, jam verò Deum meum inveni, & in eo pacem & quietem habeo. Denique S. Augustinus explicans alium versum psalmi 31. qui hortatur, ut lætentur *in Domino & exultent justi & gloriantur omnes recti corde*, hic scribit, Impij gloriantur in fortuna, prosperitate, alij in divitiarum abundantia, alij in multitudine famulorum, alij in conviviorum immodicis sumptibus. Tu verò amice mi qui speras in Domino Deo tuo, lætaberis & exultabis in abundantia pacis; argentum tuum pax, aurum tuum pax, vita tua pax, Deus tuus pax,

quia Deus tuus totum tibi erit, possidebit te
totum integrum totus integer, &c.

EXEMPLA

§. X.

Exemplum Davidis & Iosephi.

Nolite timere, dixit in veteri testamento,
Deus ad Abramam: *ego protector tuus sum*
Gen. 15. Et ad Iosue: *Ne timeas*, Jos. 10. Idem
in novo repetit Salvator noster Christus ad
Apostolos suos dicens: *Habete fiduciam, ego
sum, nolite timere* Matth. 14. Et de se Prophe-
ta testatur insigni, si quis alius, in Deum fidu-
cia præditus, etiam in maximis periculis &
varijs circumdatus insidijs: *Providebam Do-
minum in conspectu meo semper, quoniam à
dextris est mihi, ne commovear, propter hoc la-
tatum est cor meum & exultavit lingua mea.*
psal. 15. Unde non erat ei difficile vivere in
pace medios inter tumultus & seditiones. In
Gen. dicitur de Ioseph: *sedit in forti arcu e-
jus.* hoc est in Deo, vox enim, arcus, in Hebreo
significat fiduciam, fortitudinem; spem, po-
tentiam; & pro forti, versio hebraica habet El
quo utrumque simul significatur, nimirum
Deus & fortis. Et verò si sane loqui velimus,
nemo fortis est, nisi solus Deus, quam enim

M 6

omnes